

Radunonza generala extraordinaria dalla pleiv catolica-romana Breil/Brigels

Datum	Dumengia, ils 28 da november 2021
Temps	11.15 – 11.30
Liug	Baselgia parochiala, Breil
Presenza	40 parochianas e parochians, affons e divers hosps d'ordvart
Perstgisas	Andreas Pfister, Florentina Camartin, Adelrich e Maria Berther
Presidi	Sep Cathomas
Protocol	Marcellino Flury
Tractandas	<ol style="list-style-type: none">1. Beinvegni ed elecziun d'in dumbavuschs2. Concessiun d'in niev dretg da baghegiar el quartier Ruast, Breil3. Vendita dil clavau pervenda Andiastr, informaziun e conclus4. Varia

1. Beinvegni ed elecziun d'in dumbavuschs

Il president, Sep Cathomas, fa in cordial beinvegni a tuttas parochianas ed a tuts parochians per lur presenza. Tut ils affons e hosps d'ordvart astgan era star denter nus, demai che la radunonza vegn buc a cuzzar ditg.

Sco dumbavuschs vegn Luis Albin elegius unanimamein.

2. Concessiun d'in dretg da baghegiar el quartier Ruast, Breil

Pieder Livers e sia partenaria Rahel Camenisch fan la damonda da saver aquistar la parcella nr. 10053 el quartier niev a Ruast en dretg da baghegiar.

Il prezi ei 300.00 frs. per m² - 40 %, quei dat 180.00 frs. Il tscheins da dretg da baghegiar munta a ca. 1'300.00 frs. (488 m² x 180.00 frs. x 1.5%)

La suprastonza sa far la proposta da dar suatientscha a quella damonda, demai ch'ils petents adempleschan la cundiziun principala d'aquist. Quella ei, famiglia giuvna indigena cun affons.

Cun conclus unanim e cun grond applaus vegn ei dau suatientscha alla damonda da vendita en dretg da baghegiar dalla parcella 10053 a Ruast.

3. Vendita dil clavau pervenda Andiastr, informaziun e conclus

Tenor conclus dalla davosa radunonza da pleiv ei vegniu decidiu da vender il clavau pervenda ad Andiastr, parcella 6440, per la summa da 25'000.00 frs. Sin quei ha ei giu quater intressents persuerter. Tuts han buca vuliu pagar quei prezi ed aschia ha la suprastonza giu da mirar vinavon cugl uestgiu e divers uffecis, quei era per saver parter

si la parcella existenta ed aschia engrondir la parcella cul clavau. Suenter pli liungas contractivas sa la parcella vegnir engrondida sin ca. 280 m2. Sco davos ha ei dau mo pli in intressent e quei en la persuna dad Elias Tuor. El vul cumprar il clavau pil prezi da 15'000.00 frs. inclus tut ils cuosts che sedattan ord la vendita.

La suprastonza sa ir d'accord cun quei e fa aschia la proposta da vender il clavau sco menziunau. Quei era ord il motiv che quel sto pli tard era vegnir mantenius ed aschia crodan quels cuosts.

Cun conclus unanim dattan ils presents suatientscha alla damonda dalla vendita dil clavau pervenda Andiast, parcella 6440..

4. Varia

President Sep fa attents ils presents che nus encurin aunc adina persunas pil survetsch da caluster a Breil. Sin nies inserat havein buc giu grond resun.

Maria Cathomas ha abdicau la primavera ed ei tutina stada promta dad exequir quella lavur tochen la fin digl onn. Ells ei sedeclarada promta dad era schubergiar la baselgia e mirar dalla paramenta el futur.

Anna Manetsch ha abdicau siu engaschi da mirar dalla decoraziun a Breil. A Danis stat ella vinavon a disposiziun.

La consuprastonta Anita surdat sco pign engraziament in matg fluras cun in pign present ad ellas.

Sep spera che zatgi sedeclari prompts da surprender las incaricas restontas.

Sco informaziun sa el aunc communicar che la caplutta da s. Sievi vegn sanada naven da primavera proxima.

El engrazia a tuts presents per la preschientscha e giavischa in bien appetit.